



IBADAH KORBAN: Dr. Taufiq menyampaikan agihan daging korban kepada salah seorang penerima.

PIUMS laksana ibadah korban ikut SOP

UB 23.07.2021 P. 3

KOTA KINABALU: Ibadah korban yang dilaksanakan Pusat Islam Universiti Malaysia Sabah (PIUMS) mematuhi sepenuhnya Prosedur Operasi Standard (SOP) ditetapkan pihak berkuasa.

Ini bagi membendung penularan COVID-19 yang terus menunjukkan peningkatan kes di Kota Kinabalu dan Sabah secara keseluruhannya.

Menurut kenyataan dari PIUMS, ibadah korban yang dilaksanakan di pekarangan Masjid UMS melibatkan 15 petugas korban yang mendapatkan dua dos lengkap suntikan vaksin COVID-19.

Tiga ekor lembu dikorbankan, dengan daging korban kemudian diagih kepada 20 petugas pembersihan UMS, 10 asnaf terdiri dari-

pada pelajar dan kakitangan UMS, selain kepada penama yang melaksanakan ibadah korban pada tahun ini.

Naib Canselor UMS, Profesor Datuk ChM. Ts. Dr. Taufiq Yap Yun Hin, turut hadir bagi menyampaikan pengagihan daging korban dalam satu acara ringkas di pekarangan Masjid UMS.

Selain tiga ekor lembu yang dikorbankan di dalam kampus UMS, PIUMS turut melaksanakan korban di beberapa lokasi terpilih antaranya korban dua ekor lembu di daerah Kota Marudu, empat bahagian di Tahfiz Sulaimaniah, Kingfisher, Kota Kinabalu, dan 12 bahagian di luar negara antaranya di negara Afrika, Thailand, Kemboja dan Bangladesh.